

ভর্তিচ্ছুদের শুভেচ্ছা জানাতে গিয়ে চবিতে ছাত্রলীগে সংঘর্ষ

চট্টগ্রাম বিশ্ববিদ্যালয়ে ভর্তি পরীক্ষায় পরীক্ষার্থীদের শুভেচ্ছা জানানো নিয়ে সংঘর্ষ জড়িয়েছে ছাত্রলীগের দুই পক্ষ।

ছাত্রলীগ সভাপতি আলমগীর টিপুৰ অনুসারী 'সিক্সটি নাইন' ও সাধারণ সম্পাদক ফজলে রাব্বি সুজনের অনুসারী 'সিএফসি' নামের দুই গ্রুপের কর্মীরা পরীক্ষা শুরুর আগে ভর্তিচ্ছুদের শুভেচ্ছা জানাতে বিশ্ববিদ্যালয় রেল স্টেশনে মিছিল করে। এ সময় তারা হাতাহাতিতে জড়িয়ে পড়ে। এতে পরীক্ষার্থী ও অভিভাবকদের মধ্যে আতঙ্ক সৃষ্টি হয়।

এরপর সভাপতির অনুসারীরা শাহজালাল হল এবং সাধারণ সম্পাদকের অনুসারীরা শাহ আমানত হলে অবস্থান নেয়। বেলা সোয়া ১১টার দিকে উভয়পক্ষ দেশীয় অস্ত্রশস্ত্র নিয়ে ধাওয়া-পাল্টা ধাওয়া শুরু করে।

এ সময় পরিস্থিতি নিয়ন্ত্রণে আনার চেষ্টায় পুলিশ লাঠিপেটার পাশাপাশি ফাঁকা গুলি ছোড়ে। সংঘর্ষের মধ্যে হাটহাজারী থানার ওসি ইসমাইলসহ দুই পুলিশ সদস্য আহত হয়েছেন।

বিডি-প্রতিদিন/০২ নভেম্বর ২০১৫/ এস আহমেদ